

Reza iha silêncio eh reza nonok, halo parte iha retiro barak Jesuíta nian, maibe sira be halo retiro ne'e mos, tuir costume no pessoalmente hasoru malu ho diretor espiritual ida.

“Retiro ne'e concentra liu ba; hasoru-malu pessoal entre ema ida be halo retiro ne'e ho Maromak. Diretor sira ne'e, hanesan de'it tulun ida, se ema kah exercitante ne'e senti katak, ne'e necessária duni ba nia. Padre Chris Manahan, SJ.



Monserrat Centro Retiro no Seminário nian iha Kasait, Líquica

Exame de consciência:

Exame consciência ne'e hanesan método ida hodi hare fali ha'u nia lora tomak, iha Na'i Maromak nia presença. Ne'e actualmente sai liu-liu hanesan atitude ida, laos de'it método ida. Fó tempo especial ba reflexão agradecimento nian, hodi haré Na'i Maromak nia presença iha nebé; iha ha'u nia moris loro-loron nian. Iha ninia etapa (5) lima, nebe mak ema barak tuir. Mais ou menos ninia ordem babain nian, precisa de'it minutos 15 to'o 20, iha lora ida.

Ninia etapa maka hanesan tuir mai ne'e:

1. Husu Na'i Maromak, atu fó naroman. (Ha'u hakarak hare fali, ha'u lora iha Maromak futar oin, laos ha'u nian de'it.)
2. Agradeçe Maromak (Lora ida be ha'u liu tiha ona ne'e eh goza tiha ona ne'e, presente ida mai ha'u, husi Maromak, agradeçe ba!)
3. Haré fila fali, lora ida ohin ne'e (Ho kuidadu, atento tebes, ha'u hare fila fali lora ida nebe mak completo tiha ona ne'e, husik ha'u nia an, atu Espírito Santo maka lori ha'u.)
4. Simu ha'u nia limitação no fraqueza sira (Ha'u hare no simu saida mak la los, iha ha'u nia moris no iha ha'u nia an)
5. Hare ba oin – futuro, lora nebe mak sei mai. (Hau husu graça atu hasoru malu ho Na'i Maromak iha situação saida de'it, no discerne nafatin Maromak nia vontade, iha lora nebé sei mai)



Centro de Espiritualidade Inaciana iha Timor-Leste oferece:

- Retiros (individual & grupos)
 - Retiro lora - 3
 - Retiro lora - 5
 - Retiro lora - 8
- Exercícios Espirituais lora -30
- Retiro iha moris loro-lora (Ex.Esp.anotação 18/19)
- Acompanhamento no Orientação kona ba Vida Espiritual
- Recoleção (grupos)
- Direção Espiritual
- Seminário/workshop espiritual
- Preparação ba matrimónio
- Tulun no acompanha ema atu halo discernimento ho di'ak
- Actualia eh encontro temático espiritual.

CEI serbí:

- Amu ho seminaristas diocesano no religioso/a sira, grupo família no joven sira (individual/grupo)
- Paróquias, Escólas & Instituições (direção administrativa, professores, no estudantes – husi pré-secundário to'o universitário sira)
- Organizações seluk (NGO, governantes – ministérios no grupo categórial sira hotu nebe maka necessita tulun espiritual nian). No sé de'it mak buka no hakarak.
- **Ba Informação & Reserva, bele contata: CEI iha Residência Jesuitas, Taibessi Chinarate, Dili.**

Pe. Venâncio Pereira SJ
Mobile: (+670) 77457674
Email: CEIdeTimorLeste2019@gmail.com
FB: Centro Espiritualidade Inaciana

Pe. JLester Maramara SJ
(+670) 77008486
jlestersj@gmail.com


Jesuítas em Timor-Leste

CEI Centro de Espiritualidade Inaciana



Timor Leste

Hasoru Na'i Maromak no hakle'an fiar Cristã nian liu husi Espiritualidade Santo Inácio de Loiola nian.



NOTA: Bele contata ami, ba assunto recoleção, retiro no workshop espiritual nian.

Mobile: (+670) 77457674/ (+670) 77008486

TAIBESSI, CHINARATE, DILI.



Santo Inácio de Loiola ho Exercícios Espirituais

Exercícios Espirituais mak coleção ida husi meditações, reza-oração, no contemplanções; praticas nebe mak Santo Inácio desenvolve hodi tulun ema atu hakle'an sira nia relação pessoal no íntima ho Nái Maromak. Iha Séculos barak, Exercícios conhecido hanesan "retiro naruk ida" ho duração tempo loron 30, moris iha hakmatek no solidão. Iha tinan sira ikus-ikus ne'e, iha atenção renovada ba Exercícios Espirituais hanesan programa espiritual intensiva nian ida ba leigos sira.


ESPIRITUALIDADE INACIANA HANESAN
ESPIRITUALIDADE IDA BA MORIS LORO-
LORON NIAN. NE'E HANORIN KATAK
MAROMAK MARKA PRESENÇA IHA ITA NIA
MUNDO NO ATIVO IHA ITA NIA MORIS.
NE'E MAKA DALAN DIAK IDA ATU
HAKLE'AN REZA, DECISÃO NEBE MAK
DI'AK LIU HUSI DISCERNIMENTO, NO
MORIS ATIVA IDA ATU SERBÍ EMA SELUK.

Se mak Santo Inácio de Loiola?

Santo Inácio de Loiola moris iha tinan 1491, oan ida husi maun-alin 13, husi família ran-liurai ki'ik ida, iha Espanha do Norte. Hanesan mane klosan, Inácio de Loiola inspirado nakonu ho enérgia no espírito idealismo nian, nebe maka'as iha domin no sai cavaleiro eh soldado ba corte liurai nian, mehi atu halo buat di'ak no boot barak.


Maibe iha tinan 1521, Inácio hetan kanek todan iha funu hasoru França. Iha período tratamento hodi kura nia kanek, Inácio experimenta no hetan conversão. Lee livro sira haktuir kona ba Jesus nia vida no moris santo sira nian, halo Inácio sente haksolok, no hamoris iha nian, hakarak ida atu halo buat boot sira. Inácio consciênte katak sentimento ksolok ne'e, sinal no orientação ida ba nia, mai husi Na'i Maromak rasik. Iha tinan barak, Inácio sai especialista iha arte no direção espiritual.

Nia recolha no tau hamutuk ninia ideas, orações no ninia sugestão sira, iha nia livrinho ida, "**Exercícios Espirituais**", livrinho ida nebé husi livros barak, be influência bot tebes kona ba moris espiritual nian, nebe mak nia rasik mak hakerek tiha ona. Ho ninia amigos grupo ki'ik oan ida, Inácio de Loiola, harí Companhia de Jesus (eh Societatis Iesu) ou Jesuítas. Inácio considera Jesuítas sira hanesan, "**ema contemplativo iha ação**". Ida ne'e duni maka inspira no atrai ema cristãos barak hodi buka no moris tuir espiritualidade inaciana.



Jesuítas iha Timor Leste

Além de obra no serviço Exercícios Espirituais nian, Amu no Irmão Jesuítas sira iha Timor Leste, envolve-an mós iha ministério no serviço sira seluk iha Timor Leste, hanesan: iha Paróquia Railaku, Colégio Santo Inácio de Loiola (CSIL), Instituto São João de Brito (ISJB), Casa Produção Audiovisual (CPA), Jesuit Social Service, (JSS), tau matan ba Apostolado da Oração, fó Assistência espiritual-pastoral ba diocese, no formação Jesuíta iha Rai Timor.



Foti bá, Na'i, no símu bá,
ha'u nia liberdade tomak
ha'u nia hanoín
haú nia matenek
no ha'u nia hakarak
tomak buat hotu
nebe ha'u iha no haú nia

Ita Bót haraik tiha ona
buat sira ne'e mai ha'u
bá Ita Bót, Na'i
haú hasa'e fila fali
buat hotu Ita Bót nian,
uza buat hotu bá,
tuir Ita Bót nia hakarak
haraik mai ha'u
Ita Bót nia domin
no rahun diak
ne'e to'o ona ba ha'u.

Sto Inácio de Loiola
[ExEsp 234]

BUAT HOTU ITA HALO IHA MORIS NE'E, BA DEIT NA'I
MAROMAK NIA GLORIA